

繞佛於其中威德巍巍廣大清淨而是童女
 數未曾有即時發起最上勝心增長愛樂舍
 利子時寶雲梵志亦詣佛所發淨信心頂禮
 雙足瞻仰尊顏目不暫捨見彼人眾悉以上
 妙法服奉獻然燈如來時彼寶雲作是思惟
 我今何有殊妙法服而為供養即以所著鹿

皮之衣持用上佛時會人眾見是事已即生
 毀咎作是語時彼鹿皮衣忽然變作七寶所
 成是時寶雲心大歡喜踊躍無量即以奉獻
 然燈如來而作是言唯見哀愍願垂納受是
 時如來即為受之復以五枝優鉢羅華供散
 佛上普及眾會介時復有無數天子持天曼

陀羅華摩訶曼陀羅華曼殊沙華摩訶曼殊
 沙華而散佛上於虛空中作天伎樂歌詠讚
 歎以神通力復現無數優鉢羅華其華千葉
 異香弥布旋覆空中化成華蓋以為供養舍
 利子介時寶雲梵志即於然燈佛所經十二
 歲淨心奉事由勝進力以本願故獲金色髻

而作是言唯願世尊安慰於我令我堅固早
 成阿耨多羅三藐三菩提記 因九
 佛說大乘菩薩藏正法經卷第三十九

佛說大乘菩薩藏正法經卷第四十 因十

要譯經三藏教青光殊夫大說禪地慈覺得梵大師號摩訶目護等奉譯

勝慧波羅蜜多品第十一之一

復次舍利子彼然燈如來應正等覺於三世
 中普以慧眼悉能于知時寶雲梵志如是知
 已以金色髻布散於地請佛聲聞及餘比丘

因十

右旋履蹈所以者何佛告諸比丘寶雲梵志
 過無量阿僧祇劫當得作佛號釋迦牟尼如
 來應供正徧知明行足善逝世間解無上士
 調御丈夫天人師佛世尊舍利子時彼梵志
 聞佛記已歡喜踊躍現大神通於虛空中即
 時證得無量百千俱胝那度多不可說三摩

地門以神通智力超越東方琉璃沙世界諸佛世尊咸與授記汝於未來世過無量阿僧祇劫當得作佛號釋迦牟尼如是東西南北四維上下諸佛世尊亦復如是舍利子是寶雲梵志復聞諸佛同授記已獲大安慰從空中下即時往詣燃燈佛所發淨信心捨家出

家常脩梵行舍利子汝於寶雲梵志莫起異見勿生疑惑所以者何彼梵志者即我身是我於是時以五枝優鉢羅華散佛頂上復於菩薩藏正法樂欲聽聞受持讀誦廣大開示爲人演說具足正行謂無相行是故疾得阿耨多羅三藐三菩提記舍利子若我於彼清淨法行不以神通智力種種成辦彼佛世尊即不與我授菩提記亦時我於菩薩藏正法如其所聞安住正行謂無相行不可得行及見彼佛於一切行平等超越我於彼佛知一切法自性不生隨順諸法起平等見而能獲得最上法忍得是忍者何所忍耶所謂色忍

受忍想忍行忍識忍乃至蘊處界種種法忍雖復得是法忍如彼增語所以者何非世間法積集行故非異生法非無學法非緣覺法非菩薩法非諸佛法積集行故於一切法皆不可得無所集故說此是名得諸法忍又彼忍者於一切相一切攀緣一剎那頃亦得是

忍謂非眼界非眼境界盡乃至非耳鼻舌身意境界盡於彼忍境亦無所至舍利子得是忍者由我於菩薩藏正法樂聽聞受持讀誦廣大開示爲人演說具足正行謂無相行不可得行是故我於燃燈佛所速得授記說是語時會中有長者子名曰仁授聞佛說菩薩

四十

二

藏正法諸佛功德及菩薩行即從座起整衣服偏袒右肩右膝着地合掌恭敬而白佛言世尊我於尊者阿菟樓駄昔常隨學入解阿羅漢法盡老死際住空寂舍我今忽聞菩薩藏正法諸佛功德及菩薩行所謂大乘是最上乘第一深妙無有過上是爲阿耨多羅三

藐三菩提法而我親聞佛說親所聽受於此
 正法發生無量深妙勝解復於是法無所稱
 量無所執着不作勝解若謂是法第一深妙
 無有過上是即於彼積集退轉世尊此菩薩
 藏正法於諸佛乘乃至所有一切乘中最在
 其上第一開示多所憐愍多所饒益安樂天

人度脫一切於學無學如應所得至菩薩地
 其誰不發阿耨多羅三藐三菩提心亦時長
 者子仁授重白佛言世尊於苦集中而難成
 就阿耨多羅三藐三菩提耶佛言仁授如是
 如是世尊如其行相於阿耨多羅三藐三菩
 提心不退轉積集精進如佛世尊於旃伽沙

數一一佛所發菩提心復能平等安住如是
 精進證菩提果復能安隱諸菩薩道所以者
 何諸佛智慧無量無邊不可思議不可稱量
 世尊若於是法不善修作分別罣礙雖百千
 俱胝那度多劫於菩提果甚為難得亦時仁
 授長者子即於佛前說伽陀曰

因十

三

於千俱胝劫 我發菩提心 見懈怠眾生
 沉淪諸苦惱 假使施頭目 量積過須弥
 如是一心中 精勤無懈退 若我住佛道
 利樂諸有情 由依如來故 得是精進力
 此乘名大乘 是佛寂上說 樂欲菩提者
 畢竟無見取 救護諸苦惱 解脫於惡趣

此正覺義利 唯如來所說

時仁授長者子說是偈已於佛法中起大信
 解不着世樂妻子眷屬向佛世尊頭目禮足
 右繞三匝於刹那頃詣本住處與自眷屬七
 妻七男七女七奴七婢各持上妙細氈價直
 千萬并諸伎樂五百人俱出王舍大城欲詣

佛所時彼人眾見是事已即時往問時長者
 子白言仁等當知如來現在耆闍崛山與無
 量無數百千大眾恭敬圍繞廣大開示無量
 善法佛之智慧不可思議不可稱量我及眷
 屬欲往詣彼樂聞如來深妙法義以善根力
 決諸疑網為欲攝受阿耨多羅三藐三菩提

仁等亦宜親近彼佛植諸善本時彼人民聞是語已生大歡喜咸悉隨從今時長者子與自眷屬五百伎樂及千人衆到佛所已即以花香纓珞塗香秣香繒蓋幢幡伎樂歌詠作諸供養及上妙細氈價直百千以散佛上即於佛前說伽陀曰

往昔多劫中 勤修菩提行 於法得自在
利樂諸有情 如是我今當 故此伸供養
見兩足世尊 常處清淨行 現證無上道
故此伸供養 我諸眷屬等 所將千人衆
咸親近如來 一切歸命禮
今時長者子說偈讚已而白佛言世尊我及

眷屬所將人衆來諸佛所一切皆住阿耨多羅三藐三菩提心植衆善本於無上道誓不退轉作是語已俱發聲言世尊我等歸佛歸法及比丘僧諸優婆塞唯見攝受我等盡其形壽遠離殺害趣清淨門一時皆發無上道心惟願世尊爲我等故說微妙法於如是衆

因十

四

勿應棄捨及未來世苦惱衆者願爲濟度如是三請

今時世尊極憐愍故現大神通即升虛空跏趺而坐時長者子等見是事已歎未曾有彼佛世尊威神力故持諸大衆皆處虛空今時長者子與自眷屬五百伎樂等發大歡喜於

虛空中起立合掌右繞三匝頭目禮足作衆伎樂誦詠佛德普及時會如是遍滿無量百千踰繕那佛神力故忽於空中復化大比丘衆千二百五十人與其眷屬六萬人俱從東方來樂欲聽法時佛世尊見彼大衆即以神力化五樓閣衆妙莊嚴甚爲希有一一樓閣皆出梵音演說妙法復有百千俱胝諸天子衆持天曼陀羅華以散佛上徧覆空中佛神力故成華樓閣今時長者子及諸大衆觀如是等廣大神變清淨莊嚴發生無量親近愛樂佛知是已即攝神力還復東方本相如故今時阿難見是事已偏袒右肩合掌恭敬而

白佛言世尊以何因緣現是神變惟願世尊為我等說

佛告阿難我今當為仁授長者子與自眷屬及眾伎樂供養於我是人於百千俱胝劫不墮惡趣常生人天受勝妙樂過是劫已亦復尊重供養道行如來應正等覺於二十五俱

因十

五

胝劫不復輪轉是七妻等捨是身已當轉女身成丈夫相復與仁授菩薩於一劫中脩菩薩行阿難彼仁授菩薩當得作佛号曰等心如來十号具足與自眷屬轉次授記皆得作佛時彼伎樂五百人眾由供養佛以是緣故於阿僧祇劫不墮惡趣千俱胝劫常作轉輪

聖王過是數已供養尊重十千如來於一劫中皆當作佛盡同一号餘千人眾於慈氏如來般涅槃後過苑伽沙劫於千俱胝佛所尊重供養當得作佛号曰希勝如來十号具足亦時佛告具壽舍利子言彼阿闍世王與具足燈婆羅門及千人等正法滅已過刀兵劫

於未來世有佛出世名曰慈氏時彼有情壽命長遠具八萬歲復有千辟支佛出現世間復於彼時親近供養尊重讚歎亦復尊重供養慈氏如來於二十五俱胝那庾多劫無復退轉種諸善根捨家出家成菩提果及見彼千人同時發阿耨多羅三藐三菩提心時六

十那庾多天人遠塵離垢得法眼淨

佛告阿難而諸愚夫不能於佛發生愛樂清淨信解尊重讚歎者所以者何是諸人等於少善根尚不能得何況如來大涅槃證今時世尊欲重明斯義說伽陀曰
尊重諸佛故 得是勝吉祥 供養調御師

獲寂上大果 諸佛滅度後 得覩佛舍利

猶如芥子量 應廣妙脩設 又佛滅度後

供養舍利者 應生平等心 若如來住世

由發是心故 供養無上尊 悟平等菩提

果報亦如是 為善逝攝受 遠離於惡道

是人趣涅槃 不以為難得 能示佛禁戒

寂上三摩地 及清淨勝解 得佛無上果
作是供養已 疾趣善脩習 獲無上正覺
宣說第一法 若人欲了知 親近諸佛乘
樂欲獲多聞 深心無厭怠 自在轉輪王
及淨行勝族 具福相莊嚴 應時獲出離
尔時世尊說是偈已告具壽舍利子言若善

困十

六

男子善女人安住大乘欲速成阿耨多羅三
藐三菩提者應於菩薩藏正法殊勝義利樂
欲多聞受持讀誦乃至廣大開示為他人說
即得紹隆三寶使不斷絕得不退轉四無量
心六波羅蜜四攝事等饒益有情悉相應故
又舍利子此菩薩藏正法即菩提道所以者
何是菩薩藏正法攝受阿耨多羅三藐三菩
提故即諸菩薩資糧應如是學無令斷絕舍
利子所謂得成阿耨多羅三藐三菩提一切
波羅蜜多能於如來一切波羅蜜多善作出
離於無量地隨得如來一切輕安乃至隨得
如來之地若於如是波羅蜜多即得安住一

切波羅蜜多尔時世尊欲重明斯義說伽陀
曰 諸有智發生 說一切有為 由智及無明
故有為諸苦 於業及業報 應當如是知
若非業非報 現前獲出離
尔時世尊說伽陀已時具壽舍利子諸大菩

薩摩訶薩及諸比丘眾一切世間天人阿脩
羅乾闥婆等聞佛所說皆大歡喜信受奉行
佛說大乘菩薩藏正法經卷第四十 畢 素